



Agencija za vodno
područje rijeke Save

SARAJEVO

AGENCIJA ZA VODNO PODRUČJE RIJEKE SAVE SARAJEVO

Hamdije Ćemerlića 39a Tel: +387 33 726 400 Faks: +387 33 726 423 Web: www.voda.ba Email: info@voda.ba

U skladu s članom 91. stav 2. Zakona o vodama, na osnovu meteorološke prognoze izdate od strane Federalnog hidrometeorološkog zavoda BiH, nakon sagledavanja osmotrenih podataka i rezultata hidrološko-hidrauličkih simulacija iz modela u okviru prognostičkih sistema koji su na raspolaganju u sklopu ISV-a AVP Sava, daje se:

OBAVJEŠTENJE O PROGNOZI VANREDNOG HIDROLOŠKOG STANJA

za period: 25.03. do 28.03.2025.

PROGNOZA:

- *Usljed prognoziranih novih padavina te trenutnih vrijednosti vodostaja, očekuje se porast vodostaja na većem dijelu vodnog područja rijeke Save u Federaciji BiH, posebno na slivovima Spreče, Usore, Sane, Sanice, Vrbasa i Bosne. S obzirom na trenutne temperature zraka, osim padavina, očekuje se i dodatni oticaj uzrokovan topljenjem snijega s planinskih dijelova sliva, što može usložniti prognozirano hidrološko stanje.*
- *S obzirom na očekivane količine padavina na pojedinim dijelovima slivova, moguće je aktiviranje bujičnih potoka.*

U naredna četiri dana prognozirano je vanredno hidrološko stanje zbog povišenih vodostaja, mogućeg lokalnog izlivanja vode te pojave poplava, posebno na područjima:

- gornjeg i srednjeg dijela sliva Sane i Sanice,
- gornjeg dijela sliva Vrbasa,
- gornjeg i donjeg dijela sliva Bosne,
- slivova rijeka Gostović, Usora i Spreča (uzvodno od akumulacije Modrac).

Obavještenje o prognozi vanrednog hidrološkog stanja odnosi se na područje Unsko-sanskog, Srednjobosanskog, Zeničko-dobojskog, Tuzlanskog i Kantona Sarajevo.

Sugeriramo nadležnim institucijama da prate situaciju na terenu i postupaju u skladu s ovlaštenjima, a službama koje provode mjere i aktivnosti zaštite i spašavanja ljudi i materijalnih dobara preporučujemo pojačan oprez.

Nadležne službe civilne zaštite treba da upozoravaju stanovništvo da postoji opasnost od prilaska obalama s obzirom na moguće povećanje dubina i brzina tečenja vode u rijekama, te da im pravovremeno daju obavještenje sa uputama i smjernicama, kako bi stanovništvo na vrijeme poduzelo mjere samozaštite, s ciljem smanjenja šteta od štetnog djelovanja poplava.

Informacije o aktuelnim i mjerenim vodostajima na svim hidrološkim stanicama na vodnom području rijeke Save u Federaciji BiH su dostupne na internet stranici Agencije za vodno područje rijeke Save: www.voda.ba. Sve aktivnosti na praćenju i obavještavanju o trenutnom hidrološko stanju se provode u skladu sa Federalnim operativnim planom odbrane od poplava. Opis prognoziranih vanrednih hidroloških stanja i mogućih posljedica dostupan je na slijedećem linku: www.voda.ba

NAPOMENA: Obavještenje se daje na osnovu prognoziranih podataka padavina i temperatura, tako da promjena vremenske prognoze može uticati i na prognozirano hidrološko stanje.

Prilog: Karta koja prikazuje područje vanrednog hidrološkog stanja

Sarajevo, 24/03/2025 12:00 h

AVP Sava
Sektor za ISV / Odjeljenje za prognozu

VANREDNO HIROLOŠKO STANJE PODRAZUMIJEVA POVEĆAN VODOSTAJ NA RIJEKAMA USLIJED PADAVINA I
MOGUĆNOST POJAVE POPLAVA MANJEG, SREDNJEG I ZNAČAJNOG OBUUHVATA:

NORMALNO STANJE
Normalni hidrološki uslovi

IZLIJEVANJE IZ KORITA
Ispunjeno korito vodom i
lokalno izlivanje

POPLAVE
Izlijevanje vode na okolno područje,
pojedine objekte, polj. zemljište i puteve

ZNAČAJNE POPLAVE
Plavljenje naselja,
objekata, puteva